

OINARRI BEREZIAK

GIZARTE-LANGILEA

1. Deialdiko plazak

Gizarte-langileen (A2 titulazio-azpitaldea) zazpi (7) plaza lehiaketa-oposizio sistemaren bidez betetzeko deialdia egiten da. III. hizkuntza-eskakizuna dute ezarrita, eta honela banatuta dago deialdia:

- Barne-sustapen arrunteko txanda: bi (2) plaza, derrigorrezko III. hizkuntza-eskakizuna dutenak, eta plaza bat (1) derrigorrezkoa ez den III. hizkuntza-eskakizuna duena.
- Txanda askea: hiru (3) plaza, derrigorrezko III. hizkuntza-eskakizuna dutenak.
- Desgaitasuna dutenentzako txanda askea: plaza bat (1), derrigorrezkoa ez den III. hizkuntza-eskakizuna duena.

Plazen deialdi honetan azaroaren 19ko 141/2013 Foru Dekretuaren 2. artikuluan aipatzen den generoaren eraginaren aurretiazko ebaluazioari buruzko txostena sartu da.

2. Titulazioa eta jatorriko plaza

Kontuan harturik zer ezartzen duten Enplegatu Publikoaren Oinarrizko Estatutuari buruzko Legearen testu bategina onesten duen 2015eko urriaren 30eko 5/2015 Legegintzako Errege Dekretuaren 76. artikulua zein hirugarren xedapen iragankorraren 1. zenbakiak eta Euskal Funtzio Publikoari buruzko 1989ko uztailaren 6ko 6/1989 Legearen 43. artikulua, hauxe da eskatzen den titulazioa: Gizarte Langintzako diplomatura edo gradua, edo baliokideak, Hezkuntza eta Zientzia Ministerioak emandakoak.

Kontuan harturik zer ezartzen duen 2015eko urriaren 30eko 5/2015 LEdek bere 3. xedapen iragankorrean, barne-sustapeneko txandaren bidez parte hartu nahi dutenek, eskatutako titulazioa izateaz gain, lan-kontratudun langile finko izan beharko dute, –C1– azpitaldeko plaza batean edo –A2– taldeko plaza batean. Halaber, jatorriko plazan zerbitzuan bi (2) urte beteta izan beharko dituzte, GUFeko lan-kontratudun langile finko legez.

3. Ariketak

3.1. Oposizio-fasea

Oposizio-faseak lau (4) ariketa izango ditu. Lehenengo biak (2) nahitaezkoak eta baztertzailleak izango dira. Hirugarrena psikoteknikoa izango da; derrigorrezkoa izango da, eta ez-baztertzaillea; merezimendu gisa baloratuko da. Azkenik, laugarrena nahitaezkoa eta



baztertzailea izango da derrigorrezko hizkuntza-eskakizuna duten plazetarako, eta borondatezkoa eta ez-baztertzailea, aldiz, gainerako plazetarako.

3.1.1. Lehenengo ariketa.

Teorikoa izango da: 90 galderako test bat egin beharko da (gehi erreserbako 10 galdera), 180 minutuan. Lau erantzun eskainiko dira galderetan, baina haietariko bat bakarrik izango da zuzena. Ariketa eranskinetako gai guztiei buruzkoa izango da.

Barne-sustapeneko txandako hautagaiek lehenago eskatu zitzaizkien ezagutzak berriro egiazta ez ditzaten, hautagai horiek ez dituzte erantzun beharko gaien zerrendako I. zatiari buruzko galderak, eta, ondorioz, proportzionalki murriztuko zaie ariketa egiteko denbora: 120 minutu izango dituzte galderak erantzuteko.

3.1.2. Bigarren ariketa.

Praktikoa izango da: idatziz, 45 galderako test bat egin beharko da (gehi erreserbako 5 galdera), 90 minutuan. Zenbait erantzun eskainiko dira galderetan, baina haietariko bat bakarrik izango da zuzena. Oker erantzundako galdera bakoitzeko 0,15 puntu kenduko da. Ariketa hau gai-zerrendako III. zatiari buruzkoa izango da.

3.1.3. Hirugarren ariketa.

Proba psikotekniko bat izango da, nahitaezkoa. Test bat erantzun beharko da, eta osotasunean hartuta ebaluatuko da. Gehieneko puntuazioa zortzi (8) izango da. Probak haztatu ahal diren alderdi hauei buruzko galderak izango ditu:

- Batetik, nortasun-ezaugarri nagusiak eta plaza edo lanpostuaren berezko eginkizunak betetzeko egokitasuna aztertuko dira. Besteak beste, faktore hauek aztertuko dira: oreka emozionala, zerbitzu publikorako joera eta estresari aurre egiteko erresistentzia.
- Eta, bestetik, hautagaiek lanpostua betetzeko dituzten jarrerak eta gaitasunak aztertuko dira.

Edonola ere, ez da epaimahai kalifikatzailearen eskumena izango, eta horretarako gaituta dauden profesionalak prestatuko dute, Foru Erakundeak Herri Arduralaritzaren Euskal Erakundearekin xede horretarako formalizatuko duten lankidetzaren hitzarmena dela bide.

3.1.4. Laugarren ariketa.

Derrigorrezko III. hizkuntza-eskakizuna, nahitaezkoa eta baztertzailea, ezarrita duten lanpostuei lotutako plazetara aurkezten diren hautagaiek maila horretako euskararen ezagutza frogatu eta egiaztatu beharko dute.



Derrigorrezkoa ez den III. hizkuntza-eskakizuna, borondatezkoa eta ez-baztertzaila, ezarrita duten lanpostuei lotutako plazetara aurkezten diren hautagaiak maila horretako euskararen ezagutza frogatu eta egiaztatu beharko dute, hala badagokio.

GUFEn edo Bizkaiko Foru Aldundian hizkuntza-eskakizunen bat egiaztatuta dutenek ez dute berriro halakorik egiaztatu behar parte hartzen ari diren hautaketa-prozesuan, ez eta Euskara Tituluen eta Ziurtagirien Erregistro Bateratuan eskakizuna egiaztaturik ageri direnek ere. Azken kasu horretan, parte-hartzaileak berariazko baimena emango dio GUFeri, erregistro horretan egiaztapena egin dezan.

Hala eta guztiz ere, euskararen egiaztagiria edo titulua aurkeztu beharko dute baldin eta erregistro horretan ez dagoen arren 2010eko azaroaren 9ko 297/2010 Dekretuarekin bat baliozkotuta badago; dekretu horren bitartez, euskararen jakite-maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzen dira.

Euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatzetik salbuesteko 2012ko apirilaren 3ko 47/2012 Dekretuaren babespean egiten dutenek, ikasketen ziurtagiriak aurkeztu beharko dituzte hizkuntza-eskakizunak egiaztatzeko.

3.2. Lehiaketa

Lehiaketan, oposizioa gainditu duten hautagaiak aurkeztu eta egiaztatutako merezimenduak aztertu eta balioztatuko dira. Horretarako, hautagai bakoitzari merezimenduen baremoaren arabera dagozkion puntuak emango zaizkio.

Eskaera-orrian aipatutako merezimenduak egiaztatzeko dokumentazioa epaimahaiak, oposizio-faseko ariketa guztien kalifikazioa argitaratzeko, ateratzen duen iragarkian ezarritako epean aurkeztu beharko da.

4. Hautaketa-prozesuaren kalifikazioa

4.1. Lehiaketa-fasea

Merezimenduen baremoaren arabera emango dira puntuak, eta puntu horien batura izango da lehiaketa-fasearen kalifikazioa.

4.2. Oposizio-fasea

Lehenengo eta bigarren ariketei zero (0) eta hamar (10) puntu bitarteko kalifikazioa emango zaie, eta haietariko bakoitzean bost (5) puntu lortu ez dituzten hautagaiak berez geratuko dira baztertuta.



Hirugarren ariketari zero (0) eta zortzi (8) puntu bitarteko kalifikazioa emango zaio, eta ez da baztertzaileria izango.

Laugarren ariketan, euskarari buruzkoan, «gai» edo «ez gai» kalifikazioa emango zaie derrigorrezko hizkuntza-eskakizuna duten plazak lortu nahi dituztenei.

Gainerako kasuetan, honako banaketa honen araberrako kalifikazioa emango da, egiaztatutako maila kontuan hartuta:

- I. hizkuntza-eskakizuna: 3 puntu.
- II. hizkuntza-eskakizuna: 4,5 puntu.
- III. hizkuntz eskakizuna: 7 puntu.

Hautagai bakoitzaren kalifikazioa Bizkaiko Foru Aldundiaren iragarki-oholean eta GUFEn web-orrian argitaratuko da, lortutako gainerako kalifikazioekin batera.

4.3. Amaiera

Hautagaien azken kalifikazioa hautaketa-prozesu osoan lortutako puntu guztien batura izango da.



I. ERANSKINA

MEREZIMENDUEN BAREMOA

1. Administrazio Publikoan gizarte-langile plaza batean (A taldea, A-2 titulazio-azpitaldea) egindako zerbitzuak, edozein harreman juridikoren menpean, salbu eta zerbitzu zibil edo merkataritzakoen errentamendu-kontratu bidezkoetan: 0,065 puntu hileko edo hilaren zatiki bakoitzeko, gehienez 11,00 puntu. Edozein kasutan, zerbitzua modu partzialean edo lanaldi murriztuan eman den aldi guztiak lanaldi osotzat hartuko dira.

2. Administrazio publikoetan, Administrazio Publikoko eskoletan (IVAP, INAP, IEAP edo administrazioeko beste eskola batzuk), nortasun juridiko publikoa duten zentro ofizialetan eta unibertsitate publiko zein pribatuetan gaiekin zuzen-zuzenean zerikusia duten prestakuntza-ikastaroetan emandako edota jasotako ordu-kopurua, baldin eta ikastarook baldintza legez ez badute plazan sartzeko eskatzen dena baino goragoko prestakuntza edo titulazioa izatea: 0,05 puntu hartutako ordu bakoitzeko eta 0,025 emandako ordu bakoitzeko; gehienez: 6.5 puntu.

Atal bakoitzean lortutako puntuen batuketa eginda, lehiaketa-fasean, guztira, 17,5 puntu lortu ahal izango dira, gehienez.



II. ERANSKINA

GIZARTE-LANGILE LANPOSTURAKO GAI-ZERRENDA

I. ZATIA

ZUZENBIDE PUBLIKOA

1. *gaia*- Espainiako 1978ko Konstituzioa. Printzipio orokorrak. Oinarrizko eskubide eta eginbeharrak.
2. *gaia*- Estatuaren lurralde-antolaketa. Autonomia-estatutuak. Esanahia. Eskumenak Estatuaren eta autonomia-erkidegoen artean banatzeko sistema.
3. *gaia*- Euskal Herriaren Autonomia Estatutua. Atariko titulua. Euskal Autonomia Erkidegoaren eskumenak: eksklusiboak, legeak garatu eta betearaztekoak, eta betearaztekoak. Euskal Autonomia Erkidegoaren botereak. Eusko Legebiltzarra. Eusko Jaurlaritza. Lehendakaria. Euskal Autonomia Erkidegoko Justizia Administrazioa. Lurralde Historikoetako erakundeak. Estatutuaren erreforma.
4. *gaia*- 27/1983 Legea, azaroaren 25ekoa, Autonomia-Elkarte Osorako Erakundeen eta bertako Kondaira-Lurraldeetako Foruzko Ihardutze-Erakundeen arteko Harremani buruzkoa (I). Xedapen orokorrak. Lurralde historikoen eskumenak: eksklusiboak, garatu eta betearaztekoak eta betearaztekoak. Zergei buruzko foru arauak aurkaratzeko aukera 2010eko otsailaren 19ko 1/2010 Lege Organikoan (haren bidez, Konstituzio Auzitegiaren eta Botere Judizialaren lege organikoak aldatzen dira).
5. *gaia*- 27/1983 Legea, azaroaren 25ekoa, Autonomia-Elkarte Osorako Erakundeen eta bertako Kondaira-Lurraldeetako Foruzko Ihardutze-Erakundeen arteko Harremani buruzkoa (II). Finantza- eta aurrekontu-autonomia. Euskal Autonomia Erkidegoko Ogasun Nagusia. Foru-ogasunak. Ogasun Nagusiaren eta toki-ogasunen arteko baliabideen banaketari buruzko ideia orokorra. Herri-Dirubideen Euskal Kontseilua. Herri Kontuen Euskal Epaitegia.
6. *gaia*- Toki-araubidea: Konstituzio-printzipioak eta arauketa juridikoa. Foru-aldundiak Toki Araubidearen Oinarriak arautzen dituen Legean.
7. *gaia*- Administrazio-egintza. Kontzeptua. Administrazio-egintza motak. Administrazio-egintzaren osagaiak.
8. *gaia*- Administrazio-prozedura orokorraren faseak. Administrazio-isiltasuna.



9. *gaia*- Administrazio-egintzen eraginkortasuna: adierazpeneko autotutoretzaren printzipioa. Baldintzak. Derrigortze administratiboa: autotutoretza betearazlearen printzipioa. Administrazio-egintzen nahitaezko betearazpena. Administrazio-egintzaren baliogabetasuna: erabateko deuseztasunaren eta deuseztagarritasunaren kasuak. Ofiziozko berrikuspena.
10. *gaia*- Administrazio-errekurtsoak. Printzipio orokorrak. Motak. Araubide juridikoa.
11. *gaia*- 9/2017 Legea, azaroaren 8koa, Sektore Publikoko Kontratuei buruzkoa. Atariko titulua. Xedapen orokorrak. Lehen liburua: Sektore publikoko kontratazioaren konfigurazio orokorra eta kontratuen egiturazko elementuak. Bigarren liburura: Administrazio publikoen kontratuak. I. titulua: Xedapen orokorrak.
12. *gaia*- 6/1989 Legea, uztailaren 6koa, Euskal Funtzio Publikoari buruzkoa: Ordainsari-araubidea.
13. *gaia*- 3/1987 Foru Araua, otsailaren 13koa (I). Bizkaiko Batzar Nagusiak. Izaera, osaera eta eskumenak. Eraketa, antolaketa eta funtzionamendua. Bizkaiko Foru Aldundia. Izaera, osaera eta kargua uztea. Eskumenak. Ahaldu Nagusia: izeneztapena, izendapena, izaera eta estatutu pertsonala. Kargua uztea eta ordezkatzeta.
14. *gaia*- 3/1987 Foru Araua, otsailaren 13koa (II). Batzar Nagusien eta Foru Aldundiaren arteko harremanak. Foru Administrazioa. Arau orokorrak. Xedapen orokorrak. Foru Aldundiaren erantzukizuna. Foru-arauen proiektuak egiteko prozedura. Izaera orokorreko xedapenak eta administrazio-ebazpenak.
15. *gaia*- 4/2005 Legea, otsailaren 18koa, Emakumeen eta Gizonen berdintasunerakoa: Atariko titulua, I. titulua: Eskumenak, eginkizunak, antolaketa eta finantzaketa; II. titulua: Euskal herri administrazioen eta aginteen jarduketan genero ikuspegia integratzeko neurriak; III. titulua, VII. kapitulua: Emakumeen aurkako indarkeria.
16. *gaia*- Bizkaiko Emakumeen eta Gizonen arteko berdintasunerako V. Foru Plana (2016-2019), Bizkaiko Foru Aldundiaren 2016ko uztailaren 26ko Erabakiaren bidez onartua: Helburuak. Ildo estrategikoak. Kudeaketa-eredua, jarraipena eta ebaluazioa.



II. ZATIA

GIZARTE-LANA – ZATI OROKORRA

17. *gaia*- 4/2001 Foru Araua, maiatzaren 30ekoa, GUFEn estatutuak aldarazteari buruzkoa.
18. *gaia*- GUFEn egitura organikoaren araudia (I). Eskumen-eremua, egitura organikoa, eskumenak eta erantzukizunak GUFEn.
19. *gaia*- GUFEn egitura organikoaren araudia (II). Zerbitzuen egitura eta misioa.
20. *gaia*- 12/2008 Legea, Gizarte Zerbitzuei buruzkoa (I). Xedapen orokorrak (xedea, eskubide subjektiboa, titularrak, aplikazio-eremua, xedea eta printzipioak, erabiltzaileen eta profesionalen eskubideak eta betebeharrak). Prestazioak eta zerbitzuak, funtzioen eta lurraldearen antolamendua, eta plangintza Gizarte Zerbitzuen Euskal Sistematan.
21. *gaia*- 12/2008 Legea, Gizarte Zerbitzuei buruzkoa (II). Gizarte Zerbitzuen Euskal Sistemaren eskumen, antolamendu, kontsulta eta partaidetzako araubidea. Ekimen pribatuaren esku hartzea.
22. *gaia*- Eusko Jaurlaritzaren 64/2004 Dekretua, apirilaren 6koa, zeinaren bidez onartu baita Euskal Autonomia Erkidegoko gizarte zerbitzuen erabiltzaileen eta profesionalen eskubide eta betebeharren gutuna, eta iradokizunen eta kexen araubidea.
23. *gaia*- 353/2013 Dekretua, maiatzaren 28koa, (EHAA, 121. zk., 2013ko ekainaren 26koa), Gizarte Zerbitzuen Euskal Sistemaren Fitxa Sozialari eta Gizarte Zerbitzuen Euskal Sistemaren gizarte-diagnostikoa egiteko tresnari buruzkoa.
24. *gaia*- Gizarte lana: kontzeptua. Gizarte lanaren xedea. Gizarte-lanean esku-hartzeko ereduak. Gizarte-laneko metodologia.
25. *gaia*- Ikerketa gizarte-lanean. Gizarte-laneko teknikak eta tresnak.
26. *gaia*- Ebaluazioa gizarte-lanean. Gizarte-adierazleak. Ikuskapena gizarte-lanean: kontzeptua, esku-hartzeen ikuskapena; erakunde-ikuskapena; ikuskapenaren garrantzia gizarte-langilearen jardun profesionalean.
27. *gaia*- Gizarte-laneko profesionala Gizarte Zerbitzuen Euskal Sistemako lehen eta bigarren mailako arretan.
28. *gaia*- Banakako gizarte-lana. Banakako arreta: kontzeptua, helburuak, teknikak, tresnak eta jarduketa-eremuak.
29. *gaia*- Familiako gizarte-lana. Familia, familian esku-hartzeko gizarte-laneko teknikak.



30. *gaia*- Komunitateko gizarte-lana. Beharrianak detektatzea. Metodologia, teknikak eta tresnak, parte hartzeko erak eta mailak.
31. *gaia*- 1/2004 Lege Organikoa, genero-indarkeriaren aurka oso-osoko babesa emateko neurriei buruzkoa (BOE, 313. zk., 2004ko abenduaren 29koa). 27/2003 Legea, etxeko indarkeriaren biktimak babesteko agindua arautzen duena (BOE, 183. zk., 2003ko abuztuaren 1ekoa).

III. ZATIA

GIZARTE-LANA – ZATI BEREZIA

a.- Mendekotasuna

32. *gaia*- 39/2006 Legea, abenduaren 14koa, Autonomia pertsonala sustatzeari eta mendetasun-egoeran dauden pertsonak zaintzeari buruzkoa (BOE, 299. zk., 2006ko abenduaren 15ekoa). Xedea, printzipioak eta eskubideen titularrak, sistemaren konfigurazioa, prestazioak eta zerbitzuen katalogoak, mendetasunaren balorazioa eta eskubidea aitortzea.
33. *gaia*- Bizkaiko Foru Aldundiaren 162/2009 Foru Dekretua, abenduaren 1ekoa, mendekotasun-egoera aitortzeko prozedura arautzen duena (Bizkaiko Aldizkari Ofiziala, 242. zk., 2009ko abenduaren 18koa).
34. *gaia*- Zerbitzuari lotutako prestazioa. Laguntza pertsonalerako prestazioa. Familia barruko zaintzetarako prestazioa. Haien arautzea Bizkaiko Lurralde Historikoan.

b.- Desgaitasuna duten pertsonak

35. *gaia*- Desgaitasuna ebaluatzeko prozedura. 1971/1999 Errege Dekretua, abenduaren 23koa, minusbaliotasun gradua aitortu, adierazi eta kalifikatzeko prozedurari buruzkoa. (BOE, 22. zk., 2000ko urtarrilaren 26koa). Xedea. Graduen araberako sailkapena. Ebaluazioa. Gizarte-faktore osagarrien baremoak. Mugikortasun-zailtasunak zehazteko baremoa.
36. *gaia*- Desgaitasunen bat duten pertsonentzako banakako diru-laguntzak eta pentsio bereziak. GIZATEK programa. Kotizazio gabeko pentsioak eta seme-alabaren bat kargura izatearen ondoriozko familia-prestazioa. Baliaezintasun-pentsioak: kontzeptua eta motak.
37. *gaia*- Euskal Autonomia Erkidegoko arreta goiztiarreko eredua.



38. *gaia*- Hezkuntza eta lan arloan desgaitasuna duten pertsonentzako zentroak eta zerbitzuak. Eguneko laguntza emateko zentroak eta egoitza-zentroak. Gizarte-lanetik egindako esku-hartzea.

c.- Adinekoak

39. *gaia*- Gizarte-lana mendekotasun-egoeran dauden adinekoentzako arretan: planteamendu orokorrak. Helburuak. Jarduerak, metodologia eta teknikak.

40. *gaia*- Mendekotasun-egoeran dauden adinekoentzako udal eskumeneko eta Aldundiaren eskumeneko zerbitzuak eta prestazioak, Gizarte Zerbitzuen Euskal Sistemaren prestazio eta zerbitzuen zorroari buruzko 185/2015 Dekretuaren arabera.

41. *gaia*- Adinekoentzako banakako diru-laguntzak eta pentsioak. Erretiro-pentsioak, kotizazio gabeko pentsioak, Gizarte Ongizateko Funtsekoak.

42. *gaia*- Gizarte-lanaren alderdi etikoak eta legalak mendekotasun-egoeran dauden adinekoei ematen zaien arretan.

43. *gaia*- Mendekotasun-egoeran dauden adinekoenganako tratu txarrei gizarte lanaren esku-hartze-eremutik heltzeko moduak.

44. *gaia*- 17/2014 Foru Dekretua, otsailaren 25ekoa; honen bidez, mendetasuna duten pertsonentzako egoitzen foru zerbitzu publikoan sartzeko araubidea eta zerbitzu hori egonaldi iraunkorrean emateko baldintzak arautzen dira. Ekainaren 28ko 87/2017 Foru Dekretuak aldatu zuen.

d.- Gizarte-bazterkeria

45. *gaia*- 385/2013 Dekretua (EHAA, 149. zk., 2013ko abuztuaren 7koa). Balioesteko tresna aplikatzearen ondoriozko egoerak: gizarte-inklusioa, gizarte-bazterkeriako arriskua eta gizarte-bazterkeria. Kontzeptuak. Gizarte-bazterkeriaren intentsitateak. Tresnaren kalkulu-sistema. Adierazleen zerrenda: esparruak eta dimentsioak.

46. *gaia*- Bizkaiko Foru Aldundian gizarte-bazterkeria ebaluatzeko prozedura. 85/2014 Foru Dekretua, uztailaren 1ekoa (Bizkaiko Aldizkari Ofiziala, 125. zk., 2014ko uztailaren 2koa): Xedapen orokorrak, gizarte-bazterketa aitortzeko prozedura.

47. *gaia*- 185/2015 Dekretua, urriaren 6koa, Gizarte Zerbitzuen Euskal Sistemaren prestazio eta zerbitzuen zorroari buruzkoa (EHAA, 206. zk., 2015eko urriaren 29koa). Udal eskumeneko eta Aldundiaren eskumeneko gizarte-inklusiorako zerbitzu eta prestazio ekonomikoak.



48. *gaia*- Bizkaiko Foru Aldundiaren gizarte-inklusionarako programak, baliabideak eta zerbitzuak. Itundutako programak eta zentroak
49. *gaia*- Diru-sarrerak bermatzeko errenta eta etxebizitzako gastuetarako prestazio osagarria. 18/2008 Legea, abenduaren 23koa (EHAA, 250. zk., 2008ko abenduaren 31koa). Kontzeptua eta lege-eremua. Titularrak: baldintzak eta bizikidetzako unitate ekonomiko independentea deritzon kontzeptua.
50. *gaia*- Gizarte-inklusionarako laguntza berezia: Xedapen orokorrak. Titularrak: baldintzak eta betebeharrak. Laguntzaren aitortzea. Berrikustea, aldatzea, etetea eta azkentzea. Gizarte Ongizaterako Funtsaren pentsioak.

e.- Haurrak

51. *gaia*- Etxe barruko tratu txarrak: erakundeen esku-hartzea. Erakundeen arteko koordinazioa eta jarduteko protokoloak. Gizarte-lanetik egindako esku-hartzea.
52. *gaia*- Genero-indarkeriaren biktima diren haurrak. Esparru juridikoa: kontzeptualizazioa. Ezaugarriak: genero-indarkeriaren eraginpeko egoerak. Ondorioak haurrengan. Esku-hartze profesionala.
53. *gaia*- Gurasoen aurkako indarkeria. Oinarriak. Kontzeptualizazioa. Gurasoen aurkako indarkerian esku-hartzeko programa forala.
54. *gaia*- EAEko haurrak babesteko sistemaren esparru juridikoa eta eskumenak. Haurrak babesteko administrazio-ekintzaren printzipio gidariak. Adingabearen interes gorena eta entzuna izateko eskubidea. Guraso-ahala, tutoretza eta zaintza.
55. *gaia*- Arrisku- eta babesgabetasun-egoerak. Definizioa, larritasun-mailak eta garatu beharreko esku-hartzeak. Erakundeen arteko koordinazioa (udalaren eta lurraldearen artekoa, beste administrazio edo erakunde batzuekiko).
56. *gaia*- Esku-hartzeko prozesu teknikoak: Harrera eta ikerketa. Hasierako ebaluazioa. Erabakiak hartzea. Banakako babes-plana.
57. *gaia*- Egoitzako harrera. Definizioa. Eginkizunak. Faseak eta programak. 131/2008 Dekretua, uztailaren 8koa (EHAA, 150. zk., 2008ko abuztuaren 8koa), gizarte babesik gabeko haur eta nerabeentzako egoitza harrerako baliabideak arautuko dituen.
58. *gaia*- Familia-harrera: definizioa, eginkizunak, tipologia. Familien hautaketa, balorazioa eta prestaketa. Harrera eta egokitzapena. Familiarengandik banatzeko eta familia berriro batzeko prestaketa.



59. *gaia*- Herri administrazioaren tutoretzapeko adingabeen adopzioa. Familien hautaketa, balorazioa eta prestaketa. Adingabea familiara moldatzea eta egokitzea. Adopzioaren osteko jarraipena eta laguntza.

60. *gaia*- Haurren eta nerabeen babesgabetasun egoeretan arreta emateko Haurrentzako III. Plana (2016-2019).

Oharra.— *Ematen den BIBLIOGRAFIA informaziorako besterik ez da; beraz, hautaketa-prozesu honetako hautagaien erantzukizuna da emandako araudia behar bezala egokitzea.*